

**Resolución do 2 de xuño de 2023, da Dirección Xeral de Formación Profesional pola que se establecen aulas de capacitación dixital en centros educativos dependentes da Consellería de Cultura, Educación, Formación Profesional e Universidades para a creación da Rede Galega de Educación Dixital na Comunidade Autónoma de Galicia.**

O Ministerio de Educación e Formación Profesional ditou con data 5 de decembro de 2022 a través da Secretaría Xeral de Formación Profesional unha resolución pola que se concede á Comunidade Autónoma de Galicia a cantidade de 1.545.500,00 euros, da aplicación orzamentaria 18.5005.32SA.450.50, dos orzamentos xerais do Estado para 2022, para o financiamento da creación dunha rede de centros de capacitación dixital, proxecto 1 da inversión 1 (competencias dixitais transversais), no marco da Plan Nacional de Competencias Dixitais, compoñente 19 do Plan de Recuperación, Transformación e Resiliencia (PRTR).

De conformidade co artigo 86.2 da Lei 47/2003, do 26 de novembro, xeral orzamentaria, previo á conferencia sectorial, aprobouse no Consello de Ministros, con data 15 de novembro de 2022, o acordo polo que se autoriza a proposta de distribución territorial e os criterios de reparto dos créditos xestionados polas comunidades autónomas, no exercicio orzamentario 2022, destinados á creación dunha rede de centros de capacitación dixital (medida C19.I01.P01).

A creación da rede de capacitación dixital é unha iniciativa conxunta do Ministerio de Asuntos Económicos e Transformación Dixital, o Ministerio de Educación e Formación Profesional en colaboración coas consellerías de educación das Comunidades Autónomas.

A actuación supón a incorporación de centros sostidos con fondos públicos, con espazos/aulas específicas dedicados á capacitación dixital da cidadanía, nos que poida impartirse unha formación de carácter non formal asociada, entre outras posibles, a unha cualificación de nivel 2 do Catálogo Nacional de Cualificacións Profesionais.

O Plan Nacional de Competencias Dixitais ten como obxectivo establecer os medios para que toda a poboación española adquira aquelas capacidades dixitais que lles permitan interactuar como usuarios independentes con entidades financeiras, administracións, organismos e outras entidades, así como abrir oportunidades para complementar nos sistemas educativo e formativo ditas capacidades como instrumento ordinario de traballo. No marco deste compoñente desenvólvese a creación dunha rede de aulas de capacitación dixital, medida para

**“Actuación financiada polo Ministerio de Educación e Formación Profesional e pola Unión Europea-NextGenerationEU”**



acercar a oferta formativa a toda a cidadanía a través daqueles centros que permitan, pola súa proximidade e facilidade de acceso, facer unha oferta atractiva de capacitación dixital, con especial atención aos sectores de poboación máis vulnerables.

A Rede de Centros de Capacitación Dixital (Aulas) permitirá á cidadanía formarse en competencias dixitais transversais necesarias para desenvolverse de forma cotiá nunha sociedade cada vez máis dixitalizada, na que servizos esenciais, tales como a banca, o acceso ás administracións públicas ou o consumo realízase de forma telemática, excluindo de facto a un sector da poboación que, ben pola súa idade, polo seu baixo nivel de formación, ou pola súa vulnerabilidade, carecen das competencias dixitais necesarias, situándoos en clara inferioridade respecto da poboación xeral e empeorando de forma significativa a súa calidade de vida. Eses centros van ofrecer, oportunidades de formación con independencia do lugar de residencia ou formación previa das persoas e facilitando, por tanto, un acceso a unha formación compatible coas obrigacións da cidadanía derivadas de distintas condicións persoais, laborais ou sociais.

Esta actuación pon ao servizo da cidadanía as infraestruturas e dotacións dos centros dependentes das administracións educativas a través da dedicación de aulas, e outros espazos con dotación de servizo educativo, para as actuacións de capacitación dixital. A este respecto quedarían a disposición desta actuación os centros que imparten educación para persoas adultas na Comunidade Autónoma de Galicia, cunhas dotacións, servizos e horarios adaptados a este tipo de actividades.

A Dirección Xeral de Formación Profesional pretende impulsar e favorecer as actuacións de promoción dos centros educativos dependentes da Consellería de Cultura, Educación, Formación Profesional e Universidades que imparten ensinanzas para persoas adultas na Comunidade Autónoma de Galicia.

No marco do acordo polo que se toma razón do proceso de implantación da acreditación da competencia dixital docente e do alumnado no sistema educativo galego, o Consello da Xunta de Galicia na súa reunión do día 26 de xaneiro de 2023 informou de que, no que atinxe á acreditación de competencias dixitais para adultos, trabállase na creación da Rede Galega de Educación Dixital nas ensinanzas de adultos, coa incorporación de medio centenar de centros. Así mesmo, levarase a cabo formación específica nas ensinanzas orientadas a maiores de 55 anos con baixo nivel de cualificación, atendendo especialmente á fenda de xénero, á poboación vulnerable e ás zonas rurais.

**“Actuación financiada polo Ministerio de Educación e Formación Profesional e pola  
Unión Europea-NextGenerationEU”**



De acordo co anteriormente exposto, esta Dirección Xeral de Formación Profesional

## **RESOLVE:**

### **Primeiro. Obxecto e ámbito de aplicación**

1. A presente resolución ten por obxecto o establecemento de 55 aulas de capacitación dixital en centros públicos que imparten educación de persoas adultas para a creación da Rede Galega de Educación Dixital na Comunidade Autónoma de Galicia (anexo I).
2. Os criterios adoptados para a designación dos centros foron o número de persoas matriculadas en educación para persoas adultas e a dispoñibilidade de espazo para incorporar a aula de capacitación dixital.
3. Estes centros pasarán a ter a consideración de centros pertencentes á rede nacional de centros de capacitación dixital, sen prexuízo da súa condición xurídica, titularidade e funcións.
4. A Dirección Xeral de Formación Profesional poderá modificar os centros integrantes da Rede Galega de Educación Dixital na Comunidade Autónoma de Galicia co obxectivo de acadar o compromiso de formar a 2.815 persoas antes do 31 de decembro de 2023.

### **Segundo. Financiamento**

Esta actuación está financiada polo Ministerio de Educación e Formación Profesional e pola Unión Europea a través de fondos NextGenerationEU, no marco do compoñente 19 "Plan Nacional de Competencias Dixitais" do PRTR.

### **Terceiro. Obrigas dos centros educativos integrantes da Rede Galega de Educación Dixital**

1. Os centros educativos participantes nesta actuación deberán achegar a documentación que lles sexa requirida para a necesaria xustificación das operacións por parte da Dirección Xeral de Formación Profesional.
2. Seguir as instrucións relativas á xustificación económica e técnica que serán postas a disposición da Rede Galega de Educación Dixital a través da plataforma prevista para tal efecto.

**"Actuación financiada polo Ministerio de Educación e Formación Profesional e pola  
Unión Europea-NextGenerationEU"**



3. Facer mención da orixe do financiamento e velar por darlle visibilidade cumprindo coas medidas de información, comunicación e visibilidade.

De conformidade co artigo 34.2 do Regulamento (UE) 2021/241 do Parlamento Europeo e do Consello, do 12 de febreiro de 2021, polo que se establece o Mecanismo de Recuperación e Resiliencia, os perceptores de fondos da Unión Europea farán mención da orixe do financiamento e velarán por darlle visibilidade, incluíndo o emblema da Unión Europea e unha declaración de financiamento adecuado nas medidas de información e comunicación das actuacións que desenvolven os investimentos. Como a actuación está financiada tamén polo Ministerio de Educación e Formación Profesional, deberase incluír tamén o logo correspondente.

4. Garantir o respecto ao principio de non causar un prexuízo significativo ao medio ambiente (principio DNSH polas súas siglas en inglés, «Do No Significant Harm») e o etiquetado climático e dixital, de acordo co previsto no PRTR, aprobado polo Consello de Ministros o 27 de abril de 2021 e polo Regulamento (UE) nº 2021/241 do Parlamento Europeo e do Consello, do 12 de febreiro de 2021, polo que se establece o Mecanismo de Recuperación e Resiliencia.

5. Asegurar a regularidade do gasto subxacente e a adopción de medidas dirixidas a previr, detectar, comunicar e corrixir a fraude e a corrupción, previr o conflito de intereses e o dobre financiamento.

6. Cumprimentar unha declaración responsable de ausencia de conflito de intereses (DACI) en todos os procedementos de adxudicación de contratos, conforme ao modelo establecido na Orden HFP/55/2023, de 24 de xaneiro, relativa á análise sistemática do risco de conflito de interese nos procedementos que executan o Plan de Recuperación, Transformación e Resiliencia. A DACI deberá estar asinada por todas as persoas intervinientes no procedemento de adxudicación.

7. Seguir os principios ou criterios específicos establecidas nos artigos 2 e seguintes da Orde HFP/1030/2021, do 29 de setembro, pola que se configura o sistema de xestión do Plan de Recuperación, Transformación e Resiliencia.

#### **Cuarto. Datos de carácter persoal**

1. Os datos persoais recadados neste procedemento serán tratados na súa condición de responsable pola Xunta de Galicia - Consellería de Cultura, Educación, Formación Profesional e Universidades coas finalidades de levar a cabo a tramitación administrativa que se derive da

**“Actuación financiada polo Ministerio de Educación e Formación Profesional e pola  
Unión Europea-NextGenerationEU”**



xestión deste procedemento e a actualización da información e contidos do seu expediente persoal.

2. Co fin de darlle a publicidade esixida ao procedemento, os datos identificativos das persoas interesadas serán publicados conforme o descrito na presente norma reguladora a través dos distintos medios de comunicación institucionais de que dispón a Xunta de Galicia como son os diarios oficiais, páxinas web e os taboleiros de anuncios.

3. As persoas interesadas poderán acceder, rectificar e suprimir os seus datos, así como exercer outros dereitos ou retirar o seu consentimento, a través da sede electrónica da Xunta de Galicia ou presencialmente nos lugares e rexistros establecidos na normativa reguladora do procedemento administrativo común, segundo se explicita na información adicional recollida en <https://www.xunta.gal/proteccion-datos-persoais>.

4. No caso de existir diferentes referencias normativas en materia de protección de datos persoais neste procedemento, prevalecerán en todo caso aquelas relativas ao Regulamento (UE) 2016/679, Xeral de Protección de Datos.

### **Quinto. Control e loita contra a fraude**

O centros beneficiarios someteranse ás actuacións de control que realice a Consellería de Cultura, Educación, Formación Profesional e Universidades para o seguimento dos proxectos aprobados e ás de control financeiro que correspondan á Intervención Xeral da Comunidade Autónoma, así como ás actuacións de comprobación previstas na lexislación do Tribunal de Contas e do Consello de Contas, no exercicio das súas funcións de fiscalización e de control do destino das axudas.

Calquera persoa que teña coñecemento de feitos que poidan ser constitutivos de fraude ou irregularidade en relación cos proxectos financiados con cargo a fondos procedentes da Unión Europea, como é o caso, poderá pór os ditos feitos en coñecemento do Servizo Nacional de Coordinación Antifraude (SNCA) da Intervención Xeral da Administración do Estado por medios electrónicos a través da canle habilitada para o efecto na web:

<https://www.igae.pap.hacienda.gob.es/sitios/igae/es-ES/Paginas/denan.aspx>

Así mesmo, a Xunta de Galicia ten a disposición da cidadanía un canal de denuncias sobre irregularidades ou condutas de fraude a través do Sistema integrado de atención á cidadanía (SIACI):

**“Actuación financiada polo Ministerio de Educación e Formación Profesional e pola Unión Europea-NextGenerationEU”**



[https://www.xunta.gal/sistema-integrado-de-atencion-a-cidadania?langId=es\\_ES](https://www.xunta.gal/sistema-integrado-de-atencion-a-cidadania?langId=es_ES)

A detección de irregularidades pode implicar a aplicación de correccións financeiras e a solicitude de devolución dos importes percibidos indebidamente, tal como se establece no Regulamento (UE) nº 2021/241 do Parlamento Europeo e do Consello, do 12 de febreiro de 2021, polo que se establece o mecanismo, e na Orde HFP/1030/2021, do 29 de setembro, pola que se configura o sistema de xestión do Plan de Recuperación, Transformación e Resiliencia.

No control e loita contra a fraude a Cultura, Educación, Formación Profesional e Universidades actuará de conformidade co establecido no seu plan específico de prevención de riscos de xestión e medidas antifraude aprobado o 18 de febreiro de 2022.

Santiago de Compostela, na data da sinatura dixital

A directora xeral de Formación Profesional

María Eugenia Pérez Fernández

**“Actuación financiada polo Ministerio de Educación e Formación Profesional e pola  
Unión Europea-NextGenerationEU”**



Anexo I

Provincia	Concello	Nome do centro	Código
A Coruña	Arteixo	IES de Sabón	15023314
A Coruña	Betanzos	IES As Mariñas	15001148
A Coruña	Carballo	IES Isidro Parga Pondal	15027307
A Coruña	Cee	IES Fernando Blanco	15003224
A Coruña	A Coruña	EPAPU Eduardo Pondal	15025621
A Coruña	A Coruña	IES Plurilingüe Eusebio da Guarda	15005221
A Coruña	Culleredo	IES Rego de Trabe	15032935
A Coruña	Curtis	EPAPU de Teixeira	15032650
A Coruña	Ferrol	EPAPU Sta. María de Caranza	15025751
A Coruña	Ferrol	IES Concepción Arenal	15006742
A Coruña	Melide	IES de Melide	15008817
A Coruña	Muros	IES Plurilingüe Fontexería	15026388
A Coruña	Noia	IES Campo de San Alberto	15026731
A Coruña	Outes	IES Poeta Añón	15027976
A Coruña	As Pontes de García Rodríguez	IES Plurilingüe Castro da Uz	15021767
A Coruña	Ribeira	IES Nº 1	15014568
A Coruña	Sada	IES Isaac Díaz Pardo	15026029
A Coruña	Santiago de Compostela	IES San Clemente	15021482
Lugo	Burela	IES Monte Castelo	27013958
Lugo	Chantada	IES Lama das Quendas	27003151
Lugo	Foz	IES de Foz	27020562
Lugo	Lugo	EPAPU Albeiros	27601509
Lugo	Monforte de Lemos	IES Río Cabe	27007259
Lugo	Monterroso	EPAPU de Monterroso	27020823
Lugo	Outeiro de Rei	EPAPU de Bonxe	27020811
Lugo	Ribadeo	IES de Ribadeo Dionisio Gamallo	27020902
Lugo	Sarria	IES Gregorio Fernández	27012036
Lugo	Vilalba	IES Lois Peña Novo	27013326
Lugo	Viveiro	IES María Sarmiento	27013636
Ourense	O Barco de Valdeorras	IES Lauro Olmo	32001725
Ourense	O Carballiño	IES Manuel Chamoso Lamas	32015037
Ourense	Ourense	EPAPU de Ourense	32015581
Ourense	Ourense	IES Ramón Otero Pedrayo	32008951
Ourense	O Pereiro de Aguiar	EPAPU de Pereiro de Aguiar	32020771
Ourense	Verín	IES García-Barbón	32013582
Pontevedra	Bueu	IES Johan Carballeira	36019463
Pontevedra	Cambados	ES Francisco Asorey	36019396
Pontevedra	Cangas	IES de Rodeira	36019475
Pontevedra	A Estrada	IES Plurilingüe Antón Losada Diéguez	36002359
Pontevedra	A Guarda	IES A Sangriña	36019244
Pontevedra	Lalín	IES Laxeiro	36013758
Pontevedra	A Lama	EPAPU Nelson Mandela	36024720
Pontevedra	Nigrán	IES Escolas Proval	36015184
Pontevedra	Pontearreas	IES Val do Tea	36013692

**"Actuación financiada polo Ministerio de Educación e Formación Profesional e pola Unión Europea-NextGenerationEU"**



Pontevedra	Pontevedra	EPAPU Río Lérez	36018872
Pontevedra	O Porriño	IES Ribeira do Louro	36019529
Pontevedra	Redondela	IES Pedro Floriani	36016656
Pontevedra	Silleda	IES Plurilingüe Pintor Colmeiro	36020350
Pontevedra	Tui	IES Indalecio Pérez Tizón	36014544
Pontevedra	Vigo	EPAPU Berbés	36018884
Pontevedra	Vigo	IES Castelao	36011567
Pontevedra	Vigo	IES de Teis	36018173
Pontevedra	Vigo	IES Politécnico de Vigo	36011634
Pontevedra	Vigo	IES Santa Irene	36011592
Pontevedra	Vilagarcía de Arousa	IES Armando Cotarelo Valledor	36019669

**“Actuación financiada polo Ministerio de Educación e Formación Profesional e pola  
Unión Europea-NextGenerationEU”**

